



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1593. Soc. 54.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

Annus 1593. Soc. 54.

I.

Denuo sex ad Indicas regiones excolendas commigrarunt, Italus cum quinque Profecti ad Lusitanis. Horum unus erat Sebastianus Gonçalvius Pontelimenfis, Eboræ tironum Magister, qui nostrorum per Indiam res gestas Gœe conscripsit. Fernandus Tellius Menesius in altum deducens Regiam classem ad fugandos piratas, quatuor de Professâ Domo sibi adjunxit, duos in prætoria nave, duos in altera. Morbis ingruentibus naviter illi consuluere ægrotis. At quia naves ventis compulsæ ad Gallæciæ æstuarium, expositi sunt ægrotantes, & curati: sub finem Decembris Ulyssiponem recepti.

2. Duo ex eadem Domo peregrinatum concessere ad ædem divæ Virginis de Cabo in promontorio Barbarico. Eo certis diebus fit magnus concursus, non, ut par esset, cultu Deiparæ impenso, sed morum licentiâ sequente; nam totâ nocte intra ædes sacras viri feminis permixti saltant, canunt, tripudiant. Sacerdotes nostri hanc pessimam consuetudinem abolituri, verbi divini gladium acuunt; dein ad noctem mediam persistere orantes coram Virginis simulacro: post noctis dimidium psalmodia divina recitabatur. Exemplis hisce Virginis ædes perpurata est.

3. Coepti hoc anno Seminarii S. Patritii Ulyssipone præcipuus motor & author fuit P. Petrus Fonseca. Manum auxiliarem junxit P. Joannes Olingus, natione Hibernus, in Domo Professâ degens ad reducendos hæreticos, & opitulandum Catholicis negotii causâ Ulyssiponem ex Angliâ & Hibernia venientibus. Utrumque admirabiliter præstitit. Post varias in urbe sedes conductas fixa demum habitatio prope Castellum ad plagam Australem. Foundationem suscepit Antonius Fernandus Ximinius vir nobilis, & locuples. Duas habet Theologiæ cathedras, ubi à nostris edocentur Theologiam Polemicam & speculativam. Sacris initiati redire debent in patriam, inque fide Catholica suam nationem conservare.

4. Clemens VIII. Pontifex maximus imperavit Patri nostro Claudio, Comitibus univ. Ordinis Romam indiceret. Ad eligendos, qui interessent cum jure suffragii, habitus in Domo Professâ Provincie Conventus mense Maio, Præsidente R. P. Joanne Alvaro Provinciali. Electi sunt Patres Petrus Fonseca, & Joannes Correa, duo Provincie lumina. Vicariâ interim potestate moderari Provinciam jubetur P. Emmanuel Sequeira.

5. Ad milites præfidiarios sanctis moribus imbuendos Sodalitium à vir- tutibus dictum Ulyssipone erexit P. Ignatius Martinus. Scripsit leges, quibus administraretur, & quæ forent obeunda exercitia: tot inde promanantibus commodis, ut Centurionum aliquis profusus Ignatio gratias egerit, contentatusque sit, nisi foret ipse, milites futuros Lutheranos.

6. Novo Ulyssiponensis Collegii edificio jam preparato, nonâ die Novembris è veteri ad novum Collegium migratur, ordinatâ solemnî supplicatione, dispositis scholasticis in alas duas, Numen Eucharisticum deportante P. Petro Lopio Collegii Rectore, quem sequebantur plurimi dynastæ, ac Dominus Fabius Hierosolymitanus Patriarcha, qui Ulyssiponem venerat acturus Collectorem Pontificis loco Cardinalis Alberti Lusitaniâ excedentis. In ferulis proponebantur Reliquiæ, ac Divorum simulacra. Ossa nostrorum, qui hæcenus veteri in domicilio vitâ defuncti, pariter transportata sunt. Ad concionem dixit P. Joannes Lucena.

7. Anno sequente protinus ad id facultate justo citius impetratâ undecim millibus cruciatis vendidit Rector Eremitis divi Augustini Collegium vetus. Quo exili pretio enormem læsionem in re commissam quidam censuere. Paucis post subscriptas tabulas diebus Mandatum P. Generalis venit, quo venditio pro-

prohibetur. Multis id dolori fuit, quòd illam primam domum, propriam habuerit uniuerso in orbe Societas; eam incoluerint homines hujus Provinciae sanctissimi, Martyres insignes, & sanctus Franciscus Borgia; non verò Xaverius, ut putant monachi monumentorum nostrorum inexpertes.

Inhabitatur
Collegium
Purificationis.

8. Eboræ die Virginis ab angelo salutata cœpit incoli Collegium Purificationis conditum à serenissimo Rege Henrico pro Theologis sæcularibus, subditum Societatis administrationi, hæcenus ædificatum reditu ad alendos Collegas destinato. Nondum erat operi suprema manus imposita, Archiepiscopus Theotonijs jam ægrè ferre, Collegium esse extra suam potestatem, reditusque abscissos à templo maximo. Ne quid proinde novi is moliretur, visum est adire per Societatem Collegii plenam administrationem. Igitur præmissis examinibus scientiæ secundum Fundatoris leges, P. Christophorus Gouvea nostri Collegii Rector prædictæ Virginis die in templo nostro induit togam præscriptam ab eodem Fundatore sex scholasticos, quos magno comitatu idem Rector ad Collegium deduxit. Nec admissi plures Collegæ, priusquam ædificium non absolveretur.

Obeunt P.
Arias Botelius,
& Antonius Carvalius.

9. Mense Aprili P. Arias Botelius, & Antonius Carvalius Coadjutor ingressi Angolæ mediterranea ad Nigros excolendos & imbuendos fidei mytheriis, febribus correpti malignis interière. Etenim, ut non semel dictum, Cololum illud est pestilentissimum alienigenis. Unde qui tales aggrediuntur missiones, se in aperta mortis discrimina immittunt, ut Æthiopum æternæ consulant salutem.

Ingreditur
Alphonfus
Mendius.

10. Novus Conimbricæ socius nobis jungitur Alphonfus Mendius, primam lucis usuram nactus in oppido S. Alexii trans Anam flumen in Eboresi diœcesi, illustrissimus Æthiopiæ Patriarcha, illustrior virtutibus, & unus è celsissimis heroibus nostræ Societatis.

Res Angolæ.

11. In Angolâ duodecim è Societate numerabantur binis in domibus, altera Loandæ, Massangani altera. Res domi tranquillam non sustinuit duorum in nos odium Provisoris Ecclesiastici, & Francisci Almeida summi ditionis Lusitanæ Præfecti. Provisor id hominis erat, qui nollet cognoscere Bullas Pontificum de rebus & immunitatibus Societatis. Ajebat, nec se, nec Præfectum posse feriri anathemate, quo P. Balthasar Barreira, ut Societatem tueretur, aduersus utrumque usus fuerat. Calumniis interim & injurijs obruti sumus, delatusque iniquè P. Barreira à Præfecto apud Cardinalem Albertum: protinus ille ex Angolâ revocatur, mittiturque Madritum, acturus Procuratorem hujus Provinciae, & calumnias apud Regem purgaturus; cui tandem patuit sanctissimi viri innocentia, & calumniatorum impudentia. Motus Magistratu Præfectus, substitutusque frater omnino dissimilis Hieronymus Almeida, nostrorum amatissimus.

Congregatio
Generalis.

12. Mense Novembri haberi cœpta Romæ quinta Congregatio Generalis, omnium prima ex celebratis vivente Generali: in illa delectus fuit Assistent P. Joannes Alvarus, qui Provincialis munere fungebatur; cui in officio successit P. Franciscus Gouvea Ulysiponensis. P. Emmanuel Rodericus, qui Assistentem laudabiliter egerat, Lusitaniam repetiit, Eboræq; confedit.

Annus 1594. Soc. 55.

Ingressi.

1. Suppetiæ novæ Societati venerunt Emmanuel Almeida, Visonii natus, optariarius illustris Æthiopicæ vineæ, & ejusdem singularis scriptor; Didacus Carvalius, Conimbricensis, gloriosus Christi Martyr in Japonia; Stephanus Fagundius in doctrina de quæstionibus conscientiæ præclarus author.

Mortui Conimbricæ.

2. At quinque mortales exuvias Conimbricæ potuere. Melchior Lobatius, & Didacus Cisnerius, Ulysiponenses, ambo Professi, ambo Doctores, ille in Theologia, hic in Jure Civili, & Pontificio. Annum integrum uterque se com.